

te beshel pash lende. Achhilo me papuske chirakos – pomaginelas leske ki kovachnitsa, kerelas kherutni buti. Cuka nakhle trin–shtar bresh. Kalke breshende o komitcha pale avenas, ama amare roma garavenas e dases, kay sine ov da komitas.

Lachhes, ama ekh rat kalka komitcha pale ale. Beshle te han, te pien. I mo papus phuchela e voyvodas:

– A be, bareya! Dalkhe manushes, pomninesa li, kana chuka–chuka kerdzhas amare boryasa? I tu vakerdzhan me chhaveske te mudarel les!.

I togava o voyvodas phenela:

– Pishmani sinom, phrala, soske togava vakerdzhom te mudaren les. Me togava kuzdisalilyom i kedzhom baro nafelipe. Davka manush but dehalas man i amen sinamas but bare amala. Ov but trebela mange akana.

I togava me dayakoro dad pnenela:

– Ami, ako akana anasa les tuke athe, so ka keres?

– Ka dav tut but pares, ka uchharav tumen parentsa, roma!

Togava mo papus vakerela te anen e komitas andre i kato hulela veche o manush andre, o voyvodas achhilo sar gurime, pochudindzhas pes. Ot akana ola me papusa achhile but bare amala.

mimoro – гроб

ekhvar – един път

phirno – занаятчия, майстор

dayo – вуйчо

